



CONVENIO DE COLABORACIÓN ENTRE A VICEPRESIDENCIA E CONSELLERÍA DE PRESIDENCIA, ADMINISTRACIÓN PÚBLICAS E XUSTIZA E A FUNDACIÓN CENTRO TECNOLÓGICO DO MAR (FUNDACIÓN CETMAR) PARA O PROXECTO “AMPLIAR AS OPORTUNIDADES DE EMPREGO E FONTES DE INGRESOS SOSTIBLES PARA AS COMUNIDADES RURAIS E COSTEIRAS A TRAVÉS DO FORTALECIMENTO DA ACUICULTURA RURAL E PESCA ARTESANAL NA PROVINCIA DE CABO DELGADO, MOZAMBIQUE.”

Santiago de Compostela, 9 de abril de 2018

REUNIDOS

Dunha parte, Alfonso Rueda Valenzuela, vicepresidente e conselleiro de Presidencia, Administracións Públicas e Xustiza, actuando en nome e representación da Xunta de Galicia, en virtude do Decreto 148/2016, do 13 de novembro, polo que se nomean os titulares dos departamentos da Xunta de Galicia, no exercicio das facultades que lle confire o artigo 34 da Lei 1/1983, do 22 de febreiro, reguladora da Xunta e da súa presidencia

Doutra parte, dona Paloma Dolores Rueda Crespo, na súa calidade de directora xerente da Fundación Centro Tecnolóxico do Mar (en adiante Fundación CETMAR), clasificada como de interese benéfico-social por Orde da Consellería da Presidencia e Administracións Públicas do 2 de xullo de 2001 (DOG do día 13 do mesmo mes e ano), e declarada de interese galego por Orde da Consellería de Pesca, Marisqueo e Acuicultura do 20 de xullo de 2001 (DOG do día 27 do mesmo mes e ano), figurando inscrita co número 2001/15, e que intervéñen por conta e en representación da devandita Fundación, con capacidade para vinculala neste acto en exercicio das facultades delegadas por acordo adoptado polo seu Padroado na súa sesión ordinaria celebrada o día 27 de xuño de 2002.

As partes comparecentes recoñécense mutuamente plena lexitimación, capacidade e representación para a sinatura do presente convenio e, a estes efectos,

EXPOÑEN

Primeiro.- A Xunta de Galicia, de acordo co recto exercicio das súas competencias e funcións en materia de cooperación exterior, vén executando proxectos e programas en países cun baixo índice de desenvolvemento humano por medio dos instrumentos de cooperación técnica e económica en colaboración





con outros entes, públicos e privados, co criterio orientador de que as transferencias de coñecemento inducen á innovación e ao cambio técnico nos países receptores, coadxuvando desta forma ao seu crecemento económico duradeiro.

Que dada a experiencia e capacidades que a Xunta de Galicia ten acumuladas no ámbito pesqueiro e acuícola, considérase este sector como aquel no que se pode aportar un maior valor engadido nas súas intervencións, tal e como se vén poñendo de manifesto en diversas rexións e países, particularmente en Mozambique, onde existe un importante traballo de acompañamento e apoio ás administracións e institucións pesqueiras e acuícolas.

Segundo.- A Fundación CETMAR ten personalidade xurídica propia e plena capacidade de obrar e a súa constitución promoveuna a Xunta de Galicia e a Administración Xeral do Estado, a través da Secretaría de Estado de Política Científica e Tecnolóxica do Ministerio de Ciencia e Tecnoloxía.

Terceiro.- A Fundación CETMAR ten como obxecto fundacional nos seus estatutos o fomento e a execución de todas aquelas accións necesarias para a conservación e o aproveitamento responsable do medio mariño e dos seus recursos, en especial no que respecta ao litoral galego, incluíndo as actividades de formación, investigación científica, desenvolvemento e innovación tecnolóxica. Neste sentido recolle como finalidade, entre outras, a realización de accións executivas concretas fronte a demandas puntuais (análise, informes, asesoramento, axuda nas propostas e realización de actividades de investigación e desenvolvemento tecnolóxico, transferencia de tecnoloxía, formación e programas de cooperación nacional e internacional).

A Fundación CETMAR para o desenvolvemento deste proxecto conta, de acordo co establecido no artigo 24.1 apartado d) da Lei 3/2003, de cooperación para o desenvolvemento, con tres socios locais: a Dirección Provincial do Mar, Águas Interiores e Pescas (DPMAIP), o Instituto Nacional de Desenvolvemento de Pesca e Acuicultura (IDEPA), e o Instituto Nacional de Investigación Pesqueira (IIP), todos dependentes do Ministerio do Mar, Águas interiores e Pescas de Mozambique.

Cuarto.- A Lei 3/2003, do 19 de xuño, de cooperación para o desenvolvemento establece, como ámbito de actuación preferente da Cooperación Galega, apoiar aos países con menor grao de desenvolvemento, en especial aqueles que conteñan amplas capas da súa sociedade en extrema situación de necesidade, potenciar os recursos humanos e materiais deses pobos e atender as situacións de emerxencia das poboacións máis desfavorecidas. Asemade, no vixente Plan Director da Cooperación Galega considérase a Mozambique dentro das prioridades xeográficas.





Quinto.- A Dirección Xeral de Relacións Exteriores e coa Unión Europea, órgano superior da Administración autonómica da cooperación ao desenvolvemento, consonte o establecido no artigo 32 do Decreto 72/2013, do 25 de abril, modificado polo Decreto 11/2015, do 5 de febreiro, polo que se establece a estrutura orgánica da Vicepresidencia e da Consellería de Presidencia, Administracións Públicas e Xustiza, considera axeitado e conveniente contribuir ao fomento e desenvolvemento da pesca e da acuicultura en Mozambique como medio para loitar contra a pobreza e garantir a soberanía alimentaria.

A singularidade e especificidade das actividades obxecto do proxecto, que son de claro interese público e inciden directamente no ámbito da cidadanía en xeral, a natureza específica da entidade destinataria da subvención que cumpre coas prioridades sectoriais que recolle a Lei 3/2003, do 19 de xuño, de cooperación para o desenvolvemento, así como a súa necesaria posta en marcha, xustifican que a axuda solicitada se tramite por medio dunha concesión directa a través da formalización dun convenio de colaboración.

Sexto.- Por isto acordan asinar o presente documento que se desenvolverá de acordo coas seguintes

CLÁUSULAS

PRIMEIRA.- Obxecto

O presente convenio ten por obxecto establecer as condicións polas que se rexerá a colaboración entre a Vicepresidencia e Consellería de Presidencia, Administracións Públicas e Xustiza e a Fundación CETMAR no proxecto denominado "Ampliar as oportunidades de emprego e fontes de ingresos sostíbles para as comunidades rurais e costeiras a través do fortalecemento da acuicultura rural e pesca artesanal na provincia de Cabo Delgado, Mozambique".

O proxecto ten como obxectivo xeral o de contribuir a loitar contra a pobreza, mellorar as condicións de vida e a seguridade alimentaria das comunidades rurais e áreas costeiras da provincia de Cabo Delgado, Mozambique, a través da ampliación das oportunidades de emprego e as fontes de ingresos sostíbles, fortalecendo a acuicultura rural e a pesca artesanal.

SEGUNDA.- Obrigas da Fundación CETMAR

A Fundación CETMAR deberá:

1. Executar o proxecto referido na cláusula primeira.

Recibido





2. Aportar 4.080,00 € para a execución do proxecto.
3. Destinar os fondos percibidos para financiar esa actuación.
4. Consentir expresamente a publicación da axuda concedida no Diario Oficial de Galicia, na páxina web oficial e nos rexistros públicos, consonte co establecido no artigo 15 da Lei 1/2016, do 18 de xaneiro, de transparencia e bo goberno, no Decreto 126/2006, do 20 de xullo, polo que se regula o Rexistro de Convenios da Xunta de Galicia, no Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2006 e no artigo 16 da Lei 9/2007, do 13 de xuño, de subvencións de Galicia.
5. De acordo co disposto na Lei 9/2007, do 13 de xuño, de subvencións públicas de Galicia e o Decreto 11/2009, do 8 de xaneiro, polo que se aproba o Regulamento da Lei de subvencións de Galicia, a Fundación CETMAR comprométese a dar axeitada publicidade do carácter público do financiamento das actuacións obxecto do convenio, ao cumprimento de todas as condicións e obrigas recollidas neste convenio e ao sometemento ás actuacións de supervisión e control previstas nel, así como as xerais derivadas da aplicación da normativa de axudas e subvencións.
6. Prestar a colaboración e facilitar canta documentación lle sexa requirida no exercicio das funcións de control que lle corresponden á Intervención Xeral da Comunidade Autónoma e ao Consello de Contas de Galicia.
7. Conservar todos os comprobantes de gasto durante un período de 4 anos, coa excepción dos casos suficientemente xustificadas e autorizados pola Dirección Xeral de Relacións Exteriores e coa Unión Europea.
8. Xustificar, previamente ao cobro de calquera dos pagos da subvención, estar ao corrente no cumprimento das obrigas tributarias e fronte á Seguridade Social española e non ter pendente de pagamento ningunha outra débeda coa Administración pública da Comunidade Autónoma de Galicia, nin ser debedor por resolución de procedencia de reintegro. A entidade, conforme co establecido no artigo 20.3 da Lei 9/2007, do 13 de xuño, de subvencións de Galicia, autoriza ao órgano xestor para solicitar as certificacións que deban remitir a Axencia Estatal da Administración Tributaria, a Tesourería Xeral da Seguridade Social e a consellería competente en materia de economía e facenda da Xunta de Galicia.
9. Velar porque tanto os restantes partícipes como a cidadanía con ela relacionada teñan coñecemento do financiamento desembolsado pola Xunta de Galicia e do apoio desta á acción.
10. Solicitar autorización previa e expresa para calquera modificación substancial do proxecto, entendendo por tal aquela que afecte aos obxectivos, resultados, prazo de execución ou variación do custo total do proxecto ou das partidas orzamentarias en máis dun 20% do inicialmente aprobado. As solicitudes de modificacións substanciais do convenio deberán estar suficientemente motivadas e ser formuladas por escrito dirixido ao director xeral de Relacións Exteriores e coa Unión Europea, que resolverá e notificará no prazo dun mes sobre a súa autorización ou denegación.

Recibido



[Handwritten signature]



TERCEIRA.- Obrigas da Vicepresidencia e Consellería de Presidencia, Administracións Públicas e Xustiza

A Vicepresidencia e Consellería de Presidencia, Administracións Públicas e Xustiza, do custo total do proxecto, que se estima en setenta e nove mil oitenta euros (79.080,00 €), aboará á Fundación CETMAR a contía máxima de setenta e cinco mil euros (75.000,00 €), con cargo ás aplicacións orzamentarias e distribución seguintes:

Aplicación	Importe
05.26.331A.490.0.	70.000,00
05.26.331A.790.0.	5.000,00

A Fundación CETMAR poderá recorrer a terceiras fontes ou a diversos patrocinadores externos, previa consulta á Dirección Xeral de Relacións Exteriores e coa Unión Europea, pero en calquera caso todo incremento nos custos de execución será a risco e ventura da Fundación CETMAR, quen asumirá os custos asociados aos proxectos derivados da supervisión técnica, para dar fiel cumprimento aos obxectivos do proxecto.

A subscrición do presente convenio non implicará relación laboral, ou de calquera outra natureza, entre as persoas ou profesionais que desenvolvan as accións que constitúen o obxecto deste convenio coa Xunta de Galicia, de tal maneira que por este concepto non se poderá esixir responsabilidade algunha, nin directa nin subsidiaria.

CUARTA.- Pagos anticipados

Trala sinatura do presente convenio e previa petición da Fundación CETMAR, a Dirección Xeral de Relacións Exteriores e coa Unión Europea concederá un anticipo pola contía máxima do importe do convenio, de acordo co previsto na disposición adicional segunda da Lei 9/2007, do 13 de xuño, de subvencións de Galicia, para afrontar os pagos inmediatos que leva consigo a execución deste proxecto.

Coa solicitude do anticipo deberá presentar:

- Declaración do conxunto das axudas recibidas doutras entidades públicas ou privadas para o mesmo fin, de acordo co establecido nos artigos 11 letra d) da citada Lei 9/2007 e 22 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

1. Recib





- Xustificación de estar ao corrente no cumprimento das obrigas tributarias e fronte á Seguridade Social española e non ter pendente de pago ningunha outra débeda coa Administración pública da Comunidade Autónoma de Galicia, nin ser debedor por resolución de procedencia de reintegro de acordo co establecido no artigo 10.3 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

QUINTA.- Xustificación do proxecto

A xustificación do proxecto efectuarase por parte da Fundación CETMAR mediante a presentación da xustificación técnica e económica da execución das actividades subvencionadas, nun prazo máximo de tres meses, a contar dende a finalización das actividades programadas, de conformidade co establecido no artigo 28 da Lei 9/2007, do 13 de xuño, de subvencións de Galicia, e con data límite o 31 de marzo de 2019.

A xustificación final da realización das actividades subvencionadas e da consecución dos obxectivos previstos realizarase de conformidade co establecido no artigo 28.5 da Lei 9/2007.

A Fundación CETMAR deberá presentar:

- Un informe final sobre os obxectivos, as actividades realizadas e os resultados obtidos.
- Unha certificación acreditativa do cumprimento da finalidade para a que foi concedida a subvención e da aplicación dos fondos á finalidade destinada, expedida polo secretario da Fundación.
- Unha certificación dos gastos realizados e pagados na execución deste convenio, expedida polo secretario da Fundación.
- Unha declaración do conxunto das axudas recibidas doutras entidades públicas ou privadas para o mesmo fin, de acordo co establecido nos artigos 11 letra d) da citada Lei 9/2007 e 22 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

Os fondos faranse chegar por transferencia bancaria á conta corrente que a Fundación CETMAR indique mediante a presentación da certificación expedida por ela, na que conste a súa titularidade, non asumindo a Xunta de Galicia os gastos bancarios que se derivasen desta actuación.

A alteración das condicións tidas en conta para a concesión das subvencións e, en todo caso, a obtención concorrente de axudas outorgadas por outras administracións, entes públicos ou privados, poderá dar lugar á modificación da resolución de concesión.

Recibido





Esta subvención será compatible con calquera outra procedente doutras administracións públicas ou entes públicos ou privados para a mesma finalidade, sempre que o importe total das mesmas non supere o custo total do proxecto subvencionado.

Os rendementos financeiros que fosen xerados polos fondos librados aos beneficiarios incrementarán o importe da subvención concedida e aplicaranse igualmente ás actividades subvencionadas.

SEXTA.- Facultades de inspección

A Vicepresidencia e Consellería de Presidencia, Administracións Públicas e Xustiza, a través dos seus servizos técnicos, resérvase a facultade de realizar as inspeccións e comprobacións que considere necesarias co fin de asegurar o cumprimento das normas e requisitos cos que se concede esta axuda.

SÉTIMA.- Publicidade

A Fundación CETMAR obrígase a incorporar de forma visible en todas as accións derivadas das actividades subvencionadas (placas, letreiros, carteis, publicacións, material de difusión, publicidade e outros medios análogos) os logotipos oficiais da Xunta de Galicia e da Cooperación Galega, todo iso en formato duradeiro e material resistente para a debida difusión da orixe da subvención. Cando a organización financiada exhiba o seu propio logotipo, o da Xunta de Galicia e o da Cooperación Galega deberán figurar co mesmo tamaño e con iguais condicións de seguridade.

OITAVA.- Seguimento do convenio

Para facilitar o seguimento e cumprimento do convenio, constituirase unha Comisión Mixta, integrada por un representante da Vicepresidencia e Consellería de Presidencia, Administracións Públicas e Xustiza, designado pola Dirección Xeral de Relacións Exteriores e coa Unión Europea, e un representante da Fundación CETMAR.

A Comisión Mixta ditará a súas propias normas de funcionamento, debéndose reunir cando o solicite algunha das partes.

As súas funcións serán:

- Interpretación do convenio.
- Intervención previa á resolución por incumprimento.
- Calquera outra relacionada co desenvolvemento do presente convenio.






NOVENA.- Causas de resolución

O presente convenio resolverase:

- a) Por incumprimento total ou parcial dalgunha das estipulacións que o regulan.
- b) Pola aplicación dos fondos a fins distintos dos que motivaron a súa concesión.
- c) Polo transcurso do tempo fixado sen que se execute o investimento obxecto da subvención.
- d) Polo desistimento da Fundación CETMAR.

De resolverse o convenio, a Vicepresidencia e Consellería de Presidencia, Administracións Públicas e Xustiza poderá, no seu caso, esixir o reintegro das cantidades achegadas. Igualmente, de conformidade co disposto no artigo 17.3 da Lei 9/2007, do 13 de xuño, procederá o reintegro do exceso percibido no suposto de que o importe da axuda, illada ou en concorrencia con subvencións ou axudas, ingresos ou recursos, supere o custo da actividade subvencionada.

DÉCIMA.- Vixencia do convenio

O presente convenio manterá a súa vixencia ata o 31 de decembro de 2018, incluíndo as actuacións iniciadas dende o mes de xaneiro de 2018, conforme ao establecido nos artigos 2 apartado 1.b) da Lei 9/2007, do 13 de xuño, de subvencións de Galicia e 2.2.b do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, sen prexuízo da execución anticipada e conforme, a plena satisfacción, dos gastos cofinanciados pola achega da Xunta de Galicia.

UNDÉCIMA.- Natureza do convenio

O presente convenio ten natureza administrativa e as discrepancias que xurdan pola súa aplicación serán resoltas no prazo dun mes, previo informe ou proposta da Comisión Mixta, pola Vicepresidencia e Consellería de Presidencia, Administracións Públicas e Xustiza, quedando as partes suxeitas á xurisdición contencioso-administrativa nos termos establecidos na Lei 29/1998, do 13 de xullo, reguladora da Xurisdición Contencioso-administrativa, para a resolución de calquera conflito que puidese xurdir na súa aplicación.

DUODÉCIMA.- Portal da Transparencia

As partes asinantes do convenio manifestan o seu consentimento para que os datos persoais que constan neste convenio, así como o resto das especificacións contidas nel, poidan ser publicados no Portal da Transparencia e Goberno Aberto.





En cumprimento do disposto nos artigos 18 e 20.8 da Lei 38/2003, do 17 de novembro, xeral de subvencións, comunicárase a subscrición deste convenio á Base de Datos Nacional de Subvencións, que opera como sistema nacional de publicidade de subvencións.

DÉCIMO TERCEIRA.- Reintegro por incumprimento

Se a entidade beneficiaria incorrese en falsidade ou ocultación de datos ou non acredítase, total ou parcialmente, o bo fin das cantidades percibidas, deberá proceder ao reintegro da totalidade destas en caso de incumprimento pleno, ou da parte proporcional en caso dunha falta parcial de xustificación, sen prexuízo da esixencia das responsabilidades administrativas e penais a que proceda.

Así mesmo, a entidade beneficiaria deberá reintegrar a subvención nos demais supostos previstos na normativa de aplicación.

DÉCIMO CUARTA.- Normativa aplicable

O presente convenio rexerá polo disposto na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, no Decreto 29/2017, do 9 de marzo, de cooperación para o desenvolvemento, na Lei 1/2016, do 18 de xaneiro, de transparencia e bo goberno, na Lei 8/2017, de 26 de decembro, de orzamentos xerais da Comunidade Autónoma de Galicia para o ano 2018, e demais normativa que lle sexa de aplicación.

E, en proba de conformidade co expresado neste convenio, asíñase por duplicado polas partes comparecentes no lugar e data que se sinalan no encabezamento.

O VICEPRESIDENTE E
CONSELLEIRO DE PRESIDENCIA,
ADMINISTRACIÓNS PÚBLICAS E
XUSTIZA

Alfonso Rueda Valenzuela

A DIRECTORA XERENTE DA
FUNDACIÓN CETMAR

CENTRO TECNOLÓGICO DEL MAR
FUNDACION CETMAR
CIF: G-36.885.853
Eduardo Cabello, s/n.
36208 VIGO

Paloma Dolores Rueda Crespo



ANEXO

OBXECTIVO ESPECÍFICO: Ampliar as oportunidades de emprego e fontes de ingresos sostibles para as comunidades rurais e costeiras a través do fortalecemento da acuicultura rural e pesca artesanal na provincia de Cabo Delgado, Mozambique.

Resultado 1: Consolidada a capacidade de xestión de información das institucións con competencia no desenvolvemento da actividade acuícola e pesqueira

Actividade 1.1. Actualización/conclusión do censo de piscicultores na provincia de Cabo Delgado.

Actividade 1.2. Fortalecemento do sistema de obtención e xestión de datos de produción acuícola.

Actividade 1.3. Consolidación del SIAM (Sistema de Informação Aquícola de Moçambique)

Actividade 1.4. Realización do seminario anual de pesca artesanal e acuicultura rural.

Resultado 2: Mellorados os coñecementos e a capacidade técnica dos piscicultores de Cabo Delgado.

Actividade 2.1. Formación dos piscicultores rurais de outros distritos de Cabo Delgado.

Actividade 2.2. Intercambio de experiencias entre piscicultores de outros distritos de Cabo Delgado.

Actividade 2.3. Seguimento aos piscicultores de Mueda e apoio aos piscicultores emerxentes de outros distritos de Cabo Delgado.

Resultado 3: Melloradas as condicións para o aproveitamento sostible dos recursos pesqueiros e acuícolas do distrito de Pemba, Cabo Delgado.

Actividade 3.1. Realización dun taller participativo para a identificación de necesidades de capacitación e fontes alternativas/complementarias de ingresos para a asociación de mulleres da comunidade de Chuiba (Pemba)

Actividade 3.2. Estudio das necesidades de capacitación e fontes alternativas/complementarias de ingresos para a asociación de mulleres de Chuiba.

Actividade 3.3. Elaboración del plan de viabilidade para proxecto piloto de diversificación.

Actividade 3.4. Implementación de experiencia piloto de diversificación de oportunidades de emprego e fontes de ingresos alternativas/complementarias á pesca e acuicultura.



FINANCIAMENTO

Financiamento Xunta de Galicia	
Concepto	Ano 2018
Bens inventariables	5.000,00
Bens consumibles	8.256,00
Persoal	9.520,00
Servizos técnicos e profesionais	22.000,00
Funcionamento en terreo	218,91
Viaxes, aloxamento e axudas de custo	22.566,00
Gastos financeiros	250,00
Custos administrativos e de xestión	7.189,09
Total	75.000,00 €

Achega Fundación CETMAR	4.080,00 €
--------------------------------	-------------------

Total proxecto	79.080,00 €
-----------------------	--------------------

1.2.2018



[Handwritten signature]